

Održana radionica u sklopu Impuls projekta „Outcome Mapping of IMPULS“

20.02.2015 08:08



U sklopu IMPULS projekta u Gävleu, Švedska, je u periodu od 16. do 19. februara 2015. godine održana radionica za nacionalne koordinatorе projekta, i to na temu „Outcome Mapping of IMPULS“, a domaćin događaja bila je geodetska uprava Kraljevine Švedske, Lantmäteriet.

Svrha održavanja ove višednevne radionice bila je predstaviti učesnicima projekta značenje pojma „Outcome Mapping“, odnosno mapiranje ishoda projekta, te ukazati na njegov značaj i kako se ovaj princip praćenja implementacije projekta može koristiti u IMPULS projektu, i to za planiranje, monitoring i daljnju edukaciju te napredak. Stoga su na ovoj radionici, uz učestvovanje svih prisutnih

nacionalnih koordinatora i kroz interaktivni rad, a uz pomoć švedskih eksperata na ovom polju, finalizirani glavni ishodi projekta, markeri napretka samog projekta, ali je definiran i predviđeni utjecaj koji se očekuje po završetku projekta.

Učesnici radionice su tokom trajanja radionice, također, zajedničkim naporima radili na detalnjom definiranju načina i aktivnosti buduće implementacije projekta, diskutirali o načinima za daljnje unaprjeđenje implementacije projekta te, također, na definiranju uloga i odgovornosti unutar samih agencija korisnika projekta. S obzirom na različitu pozadinu i različite potrebe svih državnih geodetskih uprava iz regionala, ovom prilikom je raspravljanje o načinima pružanja podrške koja bi bila fokusirana na prioritetne nacionalne potrebe, kao što su nedostatak ljudskih kapaciteta, ali i organizaciju nacionalnih radionica.

U ime Federalne uprave za geodetske i imovinsko-pravne poslove događaju je prisustvovao zaposlenik Sektora za geoinformatiku Denis Tabučić.

Glavni cilj Impuls projekta je da zemlje regionala imaju moderan i funkcionalan okvir za dijeljenje prostornih podataka u skladu s regionalnim i međunarodnim zahtjevima. Također, cilj je da se ubrza razvoj inovativnih INSPIRE usluga za bolje donošenje odluka te da se postigne interoperabilnost podataka i usluga. Zemlje korisnice projekta su: Albanija, Bosna i Hercegovina, Crna Gora, Hrvatska, Srbija, Makedonija i Kosovo. Projekt IMPULS finansira Švedska međunarodna razvojna agencija (SIDA) s Lantmäterietom (švedska geodetska uprava) kao partnerom. Državna geodetska uprava Republike Hrvatske će učestvovati kao mlađi partner Lantmäterieta na ovom projektu.